



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

XXXIII. Declaratio, in qua omne Jus præsentum super Monasterio Fratrum
Excalceatorum Ordinis Eremitarum S. Augustini Ulyssipone erecto
Fratribus Excalceatis Hispaniæ tollitur, & erectio novorum ...

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

Urban. VIII. aliqua ut in Const. prohibet.

Hic Pont. indulget ut in rub.

Alternationes acceptandi facultatem sub certa forma permittit.

Votum in Capitulo generali Abbati gubernanti solum concedit.

Claufulas preservatas apponit.

Et ita iudicari mandat.

quibusvis excommunicationis, suspensionis, & interdicti, aliisque Ecclesiasticis sententiis, censuris, & penis à jure, vel ab homine quavis occasione, vel causa latis, si quibus quomodolibet innodatus existit, ad effectum presentium dumtaxat consequendum harum serie absolventes, & absolutum fore censentes.

§. 1. Ac quarundam fel. rec. Urb. PP. VIII. Prædecessoris nostri in simili forma Brevis Litterarum die 26. Januarii 1627. expeditarum incipien. *Apostolatus Officium &c.* per quas Abbatum titularium in præfata Congregatione creato sub certis modo, & forma tunc expressis prohibita fuit, tenorem presentibus pro plenè, & sufficienter expresso, & inserto habentes, supplicationibus ejusdem Procuratoris generalis nomine Nobis, de consilio, & assensu dilecti filii nostri Cæsaris tituli SS. Quatuor Coronatorum S. R. E. Presbyteri Cardinalis Facheneti nuncupati, dictæ Congregationis apud Nos, & Sedem Apostolicam Protectoris super hoc humiliter porrectis inclinati, dilecto filio moderno, & pro tempore existenti Abbati Generali memoratæ Congregationis, una cum Definitorio ipsius Congregationis, duodecim Abbates titulares, nempe duos pro qualibet Provincia ejusdem Congregationis, qui tamen sint ætate quinquagenarii, & saltem 20. annorum spatio lecturam, aut verbi Dei prædicationem, vel Vicarii, aut Magistri Novitiorum, aut æconomica officia exercendo, Congregationi præfata laudabiliter inserviant; ita tamen ut ejusmodi Abbates titulares, nec gubernium Monasteriorum, nec votum, sive suffragium in Capitulis generalibus, nec ullam aliam prærogativam, vel exemptionem, quæ Monasteriis onerosa sit prætereundè valeant sed in Ecclesia, saltem diebus festivis, Missæ Conventuali, & vespers, ac diebus singulis mane orationi mentali interesse teneantur, auctoritate nostra Apostolica creandi, ac in defunctorum pro tempore locum alios ex eadem Provincia, usque ad complementum numeri duodenarii hujusmodi, & non ultra, subrogandi plenam, & amplam facultatem eadem auctoritate tenore presentium tribuimus, & impartimur.

§. 2. Et quia nonnunquam accidit ut aliquis Abbas regiminis dictæ Congregationis, vel proprii levamenti studio, vel alterius Monachi merito gratificandi ergò, regimen sive gubernium Monasterii sibi commissi alternis vicibus cum illo genere sit contentus, auctoritate præfata harum serie permittimus memorato Abbati Generali una cum Definitorio præfato ejusmodi alternationes acceptare, & ad usum deducere, dummodo tamen Abbas ad id spontè consentiat, ac in Monacho concurrant qualitates ad Abbatiam juxta præscriptum Constitutionum dictæ Congregationis necessariæ, & non aliter.

§. 3. Porro unus tantum eorum, nempe ille, qui Monasterium actu gubernabit, votum sive suffragium in Capitulo generali congregationis prædictæ habeat; Vacans autem à gubernio, in alterius gubernantis Monasterio degat; nec plus prætereundè possit, quam Monachus Ordinarius, præter titulum Abbatis, & uno illorum defuncto, alter solus remaneat Abbas regiminis quamdiu vixerit, vel donec renunciaverit.

§. 4. Decernentes easdem presentes litteras semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos spectat, & pro tempore spectabit plenissimè suffragari, & ab eis respectivè inviolabiliter observari.

§. 5. Sicque in præmissis per quoscumque Judices ordinarios, & delegatos, etiam causarum Palatii Apostolici Auditores iudicari, & definiri debere, ac irritum, & inane, si secus super his à quocumque quavis auctoritate scienter, vel ignoranter contigerit attentari.

§. 6. Non obstantibus præfatis Urbani Prædecessoris litteris, aliisque Constitutionibus, & ordinationibus Apostolicis, necnon quatenus opus sit, dictæ Congregationis, ejusque Provinciarum ac Monasteriorum quorumcumque, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores presentibus pro plenè, & sufficienter expressis, & insertis habentes, illis aliàs in suo robore permanfuris, ad præmissorum effectum hac vice dumtaxat specialiter & expressè derogamus, caterisque contrariis quibuscumque.

§. 7. Volumus autem, ut earundem presentium litterarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides in iudicio, & extra adhibeatur, quæ presentibus ipsis adhiberetur, si forent exhibitæ vel ostensæ.

Dat. Romæ apud S. Mariam Majorem, sub Anno Piscatoris, die 27. Febr. 1671. Pontificatus Nostri Anno Primo.

Declaratio, in qua omne Jus prætenfum super Monasterio Fratrum Excalceatorum Ordinis Eremitarum S. Augustini Ulyssipone erecto Fratribus Excalceatis Hispaniæ tollitur, & erectio novorum Conventuum d. Ordinis in Regno Lusitanis prohibetur.

Nonnulla circa materiam, de qua in rubrica emanarunt decreta Sacræ Congregationis Cardinalium negotiis Episcoporum, & Regularium præpositæ, quorum confirmationem habes supra in Const. hujus Pontificatus 26. Alias.

CLEMENS PAPA X.

Ad futuram rei memoriam.

EX injuncto Nobis divinitus Pastoralis sollicitudinis munere enatas inter Religiosos viros controversias, ne fraternæ caritatis serenitatem conturbent, dirimere studemus, sicut æquitati, & justitiæ consentaneum esse in Domino arbitramur.

§. 1. Cùm itaque (sicut accepimus) dilecti filii Fratres Excalceati Ordinis Eremitarum Sancti Augustini in Regno Lusitanis Monasterium Conceptionis Beate Mariæ Virginis Immaculate in quo degunt, erectum pro cura Monialium ejusdem Ordinis à jurisdictione dilecti etiam filii Prioris Generalis totius Ordinis hujusmodi emerint, & Congregationi Excalceatorum Hispaniæ subjecerint; Novitios ad habitum admiserint, & nova Monasteria ibidem erigere, ac fundare prætenderint, pendente controversia super hujusmodi re in Congregatione Venerabilium Fratrum nostrorum Sanctæ Romanæ Ecclesiæ Cardinalium negotiis, & consultationibus Episcoporum, & Regularium præposita, dilectus vero filius Procurator Generalis totius Ordinis prædicti insteterit, revocari prædicta omnia, utpotè attentata, & hujusmodi novas erectiones, & foundationes dictis Fratribus Excalceatis interdicti, ac prohiberi.

§. 2. Hinc est, quod Nos, habita relatione sententiæ Congregationis nonnullorum ejusdem Sanctæ Romanæ Ecclesiæ Cardinalium super hoc negotio à nobis specialiter deputatorum, quæ rationum momenta tam in factò, quàm in jure per utramque partem allata pluries audiverunt, controversiæ hujusmodi finem imponere cupientes, Motu proprio, ac ex certa scientia, & matura

Transumptorum fides.

Dat. P. A. die 27. Februarii.

XXXIII.

Edita A. D. 1671.

Exordium.

Causa declarationis.

Omnia gesta per hos Fratres attentata revocantur.

delibe-

deliberatione nostris, deque Apostolica potestate plenitudine attentata praedicta revocanda esse, nullumque jus competere Fratribus Excalceatis Hispaniae super illo Monasterio Ulyssipone erecto pro cura Monialium; neque esse locum dismembrationi illius a Religione, nec esse locum erectioni novorum Conventuum Fratrum Discalceatorum Ordinis Sancti Augustini in Regno Lusitaniae tenore praesentium decernimus, & declaramus; ac propterea illos erigi, aut fundari, harum serie prohibemus; & praedictis Fratribus Excalceatis circa suprascriptam controversiam perpetuum silentium imponimus.

Claufula praeservati-
vz.

§. 3. Decernentes eandem praesentes literas, & in eis contenta quaecumque etiam ex eo, quod praefati Fratres Excalceati, seu alii quilibet in praemissis interesse habentes, seu habere praetendentes illis non consenserint, nec ad ea vocati, citati, & auditi fuerint, seu ex alia quacumque causa, colore, praetextu, & capite, etiam in corpore Juris clauso, nullo unquam tempore de subreptione, vel obreptione, aut nullitatis vicio, seu intentionis nostrae, aut interesse habentium consensus, aliove quolibet etiam formali, & substantiali defectu notari, impugnari, infringi, retractari, aut ad terminos juris reduci, seu in controversiam vocari, aut adversus illas apositionis oris, restitutionis in integrum, aliudve quodcumque Juris, facti, vel gratiae remedium intentari, vel impetrari, seu impetrato, etiam motu, scientia, & potestatis plenitudine paribus concessio, vel emanato quempiam in Judicio, vel extra illud uti, seu se juvare posse, sed ipsas praesentes literas semper firmas, validas, & efficaces existere, & fore, suoque plenarios, & integros effectus fortiri, & obtinere, ac ab illis ad quos spectat, & pro tempore quandocumque spectabit inviolabiliter observari, & illis respectivè in omnibus, & per omnia plenissimè suffragari.

Ita judicari
mandat.

§. 4. Sicque & non aliter in praemissis per quoscumque Judices Ordinarios, & Delegatos etiam Causarum Palatii Apostolici Auditores, ac Sanctae Romanae Ecclesiae Cardinales, etiam de latere Legatos, & Apostolicae Sedis Nuntios, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiiri debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

Executores
deputat.

§. 5. Quocirca Venerabili Fratri Francisco Archiepiscopo Sidonensi moderno, & pro tempore existenti nostro, & dictae Sedis in Portugallia, & Algarbiorum Regnis Nuncio per praesentes motu pari committimus, & mandamus, quatenus ipse per se, vel per alium, seu alios praesentes literas, & in eis contenta quaecumque ubi, & quando opus fuerit, & quoties pro parte interesse in praemissis habentium, seu alicujus eorum, desuper fuerit requisitus, solemniter publicans, illisque in eisdem praemissis efficaciae defensionis praesidio assistens, faciat auctoritate nostra illos, & eorum quemlibet praesentium litterarum, & in eis contentorum hujusmodi commodo, & effectu pacifice frui, & gaudere. Non permittens illos desuper à quoquam quavis auctoritate quomodolibet indebitè molestari, perturbari, vel inquietari. Contradictores quoslibet, & rebelles per sententias, censuras, & poenas Ecclesiasticas, aliaque opportuna Juris, & facti remedia appellatione postposita, compescendo, legitimisque super his habendis servatis processibus censuras, & poenas ipsas, etiam iteratis vicibus aggravando; invocato etiam ad hoc, si opus fuerit, auxilio brachii secularis.

Contraria
removet.

§. 6. Non obstantibus felicitis recordationis Bonifacii Papae Octavi Praedecessoris nostri de una, & Concilii Generalis de duabus dietis, dummodo ultra tres dietas aliquis auctoritate praesentium in judicium non trahatur, aliisque Consti-

tutionibus, & ordinationibus Apostolicis, nec non quatenus opus sit, Ordinis, & Congregationis Fratrum Excalceatorum hujusmodi aliisve quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores praesentibus pro plenè, & sufficienter expressis, & insertis habentes, illis alias in suo robore permanens ad praemissorum effectum hac vice dumtaxat specialiter, & expresse derogamus, caeterisque contrariis quibuscumque.

Datum Romae apud S. Mariam Majorem sub Annulo Piscatoris, die 27. Febr. 1671, Pontificatus Nostri Anno Primo.

Dat. P. A. 1.
die 27. Febr.

Litterae Processus S. D. N. Clementis Papae X, lectae die Cœnae Domini, Anno 1671.

XXXIV.

De hac materia vide quae notavi ad Const. 16. Pastoralis, Alexand. VII.

CLEMENS EPISCOPUS,

Edita A. D.
1671.

Servus Servorum Dei. Ad futuram rei memoriam.

Pastoralis Romani Pontificis vigilantia, & sollicitudo, cum in omni Christianae Reipublicae pace, & tranquillitate procuranda, pro sui muneris officio assidue versatur, tum potissimum in Catholicae fidei, sine qua impossibile est placere Deo, unitate, atque integritate retinenda, & conservanda, maxime elucet. Nimirum, ut fideles Christi non sint parvuli fluctuantes, neque circumferantur omni vento doctrinae in nequitia hominum, ad circumventionem erroris: sed omnes occurrant in unitatem fidei, & agnitionem filii Dei in virum perfectum, neque se in hujus vitae societate, & communione laedant, aut inter se alter alteri offensionem praebent, sed potius in vinculo charitatis conjuncti, tanquam unius corporis membra sub Christo capite, ejusque in terris Vicario Romano Pontifice Beatissimi Petri Successore, à quo totius Ecclesiae unitas dimanat, augeantur in aedificationem, atque ita divina gratia adjutrice, sic praesentis vitae quiete gaudeant, ut futura quoque beatitudine perfruantur. Ob quas sane causas Romani Pontifices Praedecessores nostri, hodierna die, quae anniversaria Dominicae Cœnae commemoratione solemnitas est, spirituales Ecclesiasticae disciplinae gladium, & salutaria justitiae arma per ministerium Summi Apostolatus ad Dei gloriam, & animarum salutem solemniter exercere consueverunt. Nos igitur, quibus nihil optabilius est, quam fidei inviolatam integritatem, publicam pacem, & justitiam Deo auctore, tueri, vetustum, & solemnem hunc morem sequentes.

Excommu-
centur.

§. 1. Excommunicamus, & anathematizamus, ex parte Dei Omnipotentis Patris, & Filii, & Spiritus Sancti, auctoritate quoque Beatorum Apostolorum Petri, & Pauli, ac Nostra, quoscumque Hussitas, Wichelephistas, Lutheranos, Zuingianos, Calvinistas, Ugonortos, Anabaptistas, Trinitarios, & à Christiana fide Apostatas, ac omnes, & singulos alios Haereticos quoscumque nomine censeantur, & cujuscumque sectae existant, ac eis credentes, eorumque receptatores, fautores, & generaliter quoslibet illorum defensores, ac eorundem libros haeresim continentes, vel de Religione tractantes, sive auctoritate nostra, & Sedis Apostolicae scienter legentes, aut retinentes, imprimentes, seu quomodolibet defendentes ex quavis causa publice, vel occulte, quovis ingenio,

Haereticus cu-
juscumque
sectae & 100-
rum fautores
libros legentes,
tenent, &
imprimunt.